



Pensioenfonds Caribisch Nederland

PCN ta nombra 'The Curaçao Financial Group' komo atministradó di invershon lokal

Kralendijk - Stichting Pensioenfonds Caribisch Nederland (PCN), a nombra The Curaçao Financial Group N.V. (CFG) komo atministradó di e portafolio di invershon lokal. CFG di e forma aki ta ta bira responsabel pa e kompania di partisipashon, 'Participatie-maatschappij Caribisch Nederland' (PMCN), ku tin komo meta pa atkerí, selektá i atministrá e portafolio di invershon lokal riba e islanan BES (Bonaire, St. Eustatius i Saba).

PCN a anunsiá su intenshon pa bai invertí mas riba e islanan BES. Presidente di PCN Harald Linkels: "Rendimentunan riba invershon lokal no tur ora ta sigui e moveshonnan riba merkadonan finansiero internashonal i partikularmente den tempu di volatilidat (flukuashon) haltu, invershonnan lokal hopi bia ta keda duna rendimentu basta stabil. Komo PCN nos ta orguyoso ku ya kaba nos por bisa ku un kantidat di nos invershonnan lokal ta duna rendimentunan stabil den e tempu di e pandemia di Corona aki".

E kapital di invershon di PMCN ta inkluí alrededor di 5% di e portafolio di invershon total di PCN, ku otro palabra mas òf ménos 22 mion dòler. Ku e kapital akí PCN ta hasi esfuerso pa realisá un meks di invershon ku no solamente ta produsí rendimentu saludabel, pero ta kontribuí tambe na desaroyo ekonómiko i sosial pa e komunidadnan den kua e kompania di partisipashon ta operá.

Stichting Pensioenfonds Caribisch Nederland

Bonaire
Kaya General Carlos Manuel Piar 5
Telefoon 00 599 717 09 84
secretaris@pensioenfondscn.com

Sint Eustatius
Mazinga Offices
Telefoon 00 599 318 32 18
stata-office@pensioenfondscn.com

Saba
-
Telefoon 00 599 416 68 60
saba-office@pensioenfondscn.com

Pa manehá tipo di portafolio asina PNC, asistí pa e ofisina di atministrashon Montae & Partners, a selektá un partido adekuaado pa ehekutá e papel di gerente di invershon lokal. “E eskoho a kai riba CFG. CFG ya a proba kaba di ta disponé di konosementu nesesario i eksperensia amplio riba tereno di atministrashon di biennan riba e islanan BES i KAS (Kòrsou, Aruba, St. Maarten). Partikularmente e ekspertisio finansiero di CFG ta un kualidat klave, ku ta na benefisio di PMCN”, segun Linkels.

Invershonnan resien di PCN ta inkluí entre otro finansiamentu di e kompania di aviashon EZ Air (ku banda di buelonan komersial i rekreativo ta hunga un papel esensial tambe den tráfiko di aviashon médiko entre e islanan), partisipashon den un konsorsio mas grandi di finansiadó pa konstrukshon di 500 kas di pueblo na Boneiru, kompra di Breadline Plaza na Saba i fianza na ‘Old Gin House’ pa operashon di e apartamentunan di ‘Talk of the Town’ na Sint Eustatius.



Stichting Pensioenfonds Caribisch Nederland

Bonaire
Kaya General Carlos Manuel Piar 5
Telefoon 00 599 717 09 84
secretaris@pensioenfondscn.com

Sint Eustatius
Mazinga Offices
Telefoon 00 599 318 32 18
statia-office@pensioenfondscn.com

Saba
-
Telefoon 00 599 416 68 60
saba-office@pensioenfondscn.com